

鄉黨圖考卷之五

新安江 永慎修著

及門諸子編

衣服上

始制衣服考

禮運昔者先王未有麻絲衣其羽皮後聖有作然後治其麻絲以爲布帛疏云治麻絲爲布帛謂五帝時○易繫辭傳黃帝堯舜垂衣裳而天下治蓋取諸乾坤上衣下裳以象乾坤亦象元黃之色○世本胡曹作衣

黃帝
臣

冕者

世本黃帝作冕

註冕冠之有旒者也

○天戴禮冕而前旒所以蔽明

通典云示不邪

視也黼黻塞耳

黼黃色黻緋也塞耳懸於兩旁

所以揜聰

通典云示不聽讒也東方朔云蔽明塞聰明有所不

見聰有所不聞舉大德赦小過無求備於一人之義也

○左傳衮冕黻珽疏云論語麻冕禮

也蓋以木爲幹而用布衣之上元下朱取天地之色漢禮器制度

云冕制皆長尺六寸廣八寸謂之冕者冕俛也以其後高前下有

俛俯之形故因名焉蓋以在上位者失於驕矜欲令位漸高而志

彌下故制此服令貴者下賤也○傳又云衡紱紃紃疏云冕以木

爲幹以元布衣其上謂之縱王藻弁師俱作延論語尙書皆云麻冕知其

常用布也弁師五冕皆元冕知其色用元也孔安國論語註言績

麻三十升布以爲冕卽是縵也○論語麻冕禮也孔注冕緇布冠

也績麻三十升布以爲之疏鄭註喪服布八十縷爲升

按冕者冠之有延有旒孔以緇布冠解之與始冠之緇布

冠相混又謂績麻三十升布爲之亦非也古布幅闊二尺

二寸當今尺一尺三寸七分半若容三十升之縷二千四

百則今尺一分之地幾容一十八縷此必不能爲者也孔

意蓋謂古者朝服十五升冠當倍於衣不知冠升倍衣唯

喪服斬衰三升冠六升則然自齊衰以下則非倍半之數
矣禮無冠倍於衣之例孔誤釋耳麻冕之布亦不過十五
升如今尺之一分容九縷已是細密難成矣

周禮夏官弁師掌王之五冕皆元冕朱裏延紐注冕服有六而言
玉冕者大裘之冕蓋無旒不聯數也延冕之覆在上者是以名焉
紐小鼻在武上筭所貫也今時冠卷當簪者廣袤以冠縫其舊象
與疏延卽是上元者紐綴於冕兩旁垂之武兩旁作孔以筭貫之
冠卷爲武以筭入紐及孔貫纁與髮使得其牢固也凡冕體周禮無文叔孫通作漢
禮器制度取法於周今還取彼以釋之按彼文凡冕以版廣八寸

長尺六寸以上元下朱纁之乃以五采纁繩貫五采玉垂於延前
后謂之遽延又云弁師所掌冕以旒爲主祭天用大裘取質其冕
亦當無旒爲質故此不數之爵弁前後平則得弁稱冕則前低一
寸餘得冕名冕則俛也以低爲號也○又五采纁十有二就皆五
采玉十有二玉笄朱紼注纁繩文之名也
纁古字合五采絲爲之

藻今字

繩垂於延之前后各十二所謂遽延也就城也繩之每一市而貫
五采玉十二旒則十二玉也每就間蓋一寸朱紼以朱組爲紼也
紼一條屬兩端於武纁不言皆有不一皆者此爲衮衣之冕十二旒
則用玉二百八十八鷩衣之冕纁九旒用玉二百一十六毳衣之

冕七旒用玉百六十八希衣之冕五旒用玉百二十元衣之冕三旒用玉七十二疏言玉采纁十有二者此據衮冕而言謂合五采絲爲藻纁十二道爲十二旒也皆玉采玉十有二者此各據一旒而言玉有五色以青赤黃白黑於一旒之上以此五色玉貫於藻纁之上每玉間相去一寸十二玉則十二寸就成也以一玉爲一成結之使不相并也云紘一條屬兩端於武者謂以一條纁先屬一頭於左旁笄上以一頭繞於頤下至向上於右相笄上繞之是以鄭注士冠禮云有笄者屈組以爲紘垂爲飾

兩頭皆有垂餘

被據皮弁

爵弁此玉冕皆有笄與彼同此言屬於武者據笄貫武故以武言

之其實在舜王之玉冕纁則有十二有九有五有三其玉旒皆十二故纁不言皆有不一皆者則九旒以下是也玉言皆則五冕旒皆十二玉也

按大戴禮及東方朔答客難皆云冕而前旒所以蔽明則無後旒可知後旒何所取義乎鄭謂前後皆有旒此因玉藻前後遽延而誤耳前後遽延謂版長尺六寸自延端至武前後皆深邃非謂後亦有旒也玉藻言十有二旒未嘗言前後皆十有二旒也據疏引漢禮器制度亦云垂於延之前後豈叔孫通失之與抑所引者非禮器制度之原文

與且衮冕二十四旒用玉二百八十八如此繁重恐首不能勝夫子論爲邦何爲取於周冕乎鄭所計用玉每冕皆當去其半

又諸侯之纁旒九就璫玉三采其餘如王之事纁旒皆就玉璫玉

笄注侯當爲公字之誤也三采朱白蒼也

諸侯三采損元黃不敢用大地之色也冕延上

元下朱亦是法天地者朱色近黃也冕尊卑皆用元冕朱裏禮有損之而益亦所謂經而等也其餘謂延紐皆元

覆朱裏與王同也出此則異纁旒皆就皆三采也每纁九成則九

旒也公之冕用玉百六十二璫塞耳者

黃帝用黼纁後王文易之以玉

疏王與諸

侯互見爲義是以王言元冕朱裏延紐及朱紃明諸侯亦有之諸

公言玉璜明王亦有之鄭知侯當爲公者以下別見諸侯又九就
當上公以九爲節故知是公也○又諸侯及孤卿大夫之冕各以
其等爲之而掌其禁令注各以其等纁旒以其命數也侯伯纁七
就用玉九十八子男纁五就用玉五十纁玉皆三采孤纁四就用
玉三十二三命之卿纁三就用玉十八再命之大夫纁再就用玉
八纁玉皆朱綠一命之大夫冕而無旒士變冕爲爵弁疏云孤卿
大夫文承諸侯之下故鄭以諸侯之孤卿大夫解之不別見天子
之臣文中可以兼之云各以其等爲之不言爵而言等則依命數
矣一命之大夫冕而無旒鄭知然者凡冕旒所以爲文飾一命若

有則止一旒一玉而已非華美又見一命大夫衣無章士又避之

變冕爲爵弁若一命大夫有旒士則下須變冕爲爵弁直服無旒

之冕矣故知一命大夫無旒也

孔子爲司寇是一命大夫去魯不脫冕而行此冕是無旒之冕衣無

文裳刺黻而已魯人之歌言衮衣章甫爰得我若然爵弁制如冕

所者備尊者之冕服言之其實非龍衮之衣也但無旒爲異則無旒之冕亦與爵弁不殊得謂之冕者但無旒之

冕亦前低一寸餘故亦得冕名也○玉藻天子玉藻十有二旒前

後遽延注天子以五采藻爲旒旒十有二前後遽延者言皆出冕

前後而垂也

冕版長前後距武深遽非以前後旒垂爲遽後無旒前已辯明

天子齊肩延冕上覆

也元表纁裏疏天子之旒十有二就每一就貫以玉就間相去一

寸則旒長尺二寸

古尺尺二寸當今尺七寸五分

天子齊肩則諸侯以下各有差

降九玉者九寸七玉者七寸以下皆依旒數垂而長短爲差旒垂

五采玉依飾射侯之次從上而下初以朱次白次蒼次黃次元

五行

相克之次

五采玉既貫徧周而復始三采者先朱次白次蒼一色者先

朱後綠至漢明帝時用曹褒之說皆用白旒珠與古異也云元表

朱裏者纁是朱之小別

赤黃之間

周禮鍾氏三入爲纁鄭注王冠禮朱

則四入與是纁朱同類故注弁師朱裏與此不異○禮器禮有以

文爲貴者天子之冕朱綠藻十有二旒諸侯九上大夫七下大夫

五士三注朱綠似夏殷禮也周禮天子五采藻疏天子之冕朱綠

藻十有二旒者亦是夏殷也諸侯九上大夫七下大夫五士三亦言夏殷也周家旒數隨命數又士但爵弁無旒也

按記者雜記異代之冕制天子用朱綠二采太卑矣諸侯有五等一用九旒太無別矣七旒五旒用之上大夫下大夫則已僭士得服三旒之冕亦太尊以此觀之可知周冕之善夫子所以取之

左傳衡紃紃注衡維持冠者紃冠之垂者疏王后之衡以玉爲之故追師掌焉弁師掌王之五冕弁及冕皆用玉笄則天子之衡

亦用玉衡卽笄也諸侯以下衡之所用則未聞紃者縣纁之繩垂於冠

之兩旁魯語敬姜曰王后親織元統則統必織線爲之若今之條
繩鄭詩箋云充耳謂所以縣瑱者或名爲統織之人君五色臣則
三色是也條必雜色而魯語獨言元者以元是天色故特言之非
謂純元色也絃用一組從下屬而上屬之於兩旁縣其餘也士冠
禮言組絃知天子諸侯之絃亦用組也○祭義天子冕而朱絃諸
侯冕而青絃

冕服考

書益稷帝曰予欲觀古人之象日月星辰山龍華蟲作會宗彝藻
火粉米黼黻絺繡以五采彰施於五色作服汝明孔傳天子服日

月而下諸侯自龍衮而下至黼黻士服藻火大夫加粉米上得兼
下下不得僭上孔疏云左傳言三辰旂旗周禮司常云日月爲常
王者禮有沿革後因於前故知舜時三辰亦畫之於旂旗下傳云
天子服日月而下則三辰畫之於衣服又畫於旂旗也周禮司服
云享先王則衮冕衮者卷也言龍首卷然以衮爲名則所畫自龍
以下無日月星也郊特牲云祭之日王被衮以象天據此記文衮
冕之服亦畫日月鄭言郊特牲所云謂魯禮要其文稱王被服衮
冕非魯事也或當二代天子衣上亦畫三辰自龍章爲首而使衮
統名耳蔡氏書傳云上衣下裳之制創自黃帝而成於堯舜日月
星辰取其照臨山取其鎮龍取其變華蟲取其文會繪也

宗彝虎雌取其孝藻水草取其潔火取其明粉米白米取其養黼
右等形取其斷黻爲兩已相背取其辨紕鄭氏讀爲黼袂也袂以
爲黼也日月星辰山龍華蟲六者繪之於衣宗彝藻火粉米黼黻
六者繡之於裳繪繡皆雜施五采以爲五色也又按玉制孔疏云
宗彝謂宗廟彝尊之飾有虎雌二獸虎有猛雌能辟害故象之不
言虎雌而謂之宗彝者取其美名周禮有六彝知必爲虎雌者周
禮陳六尊六彝皆遠代者在後六尊之次火是虞氏之尊山是夏
后之尊六彝之次亦虎彝雌彝在後故知虎雌虞夏已飾於尊彝
時已稱宗彝以周禮差之而鄭注云自日月至黼黻凡十二章天
當毳冕知虎雌有毛之物也

子以飾祭服衣用繪裳用繡至周而變之以三辰爲旂旗謂龍爲
袞宗彝爲毳或損益上下更其等差○王制疏云皋陶謨五服五
章哉鄭注云五服十二也九也七也五也三也如鄭之意九者謂
諸侯之服自山而下七也是伯之服自華蟲而下五也謂子男之

服自藻而下三也卿大夫之服自粉米而下以上所云虞舜之制

章

殷註云未聞○周禮春官司服王之吉服祀昊天上帝則服

大裘而冕祀五帝亦如之享先王則衮冕享先公饗射則鷩冕祀

四望山川則毳冕祭社稷五祀則希冕祭羣小祀則元冕注古天

子冕服十二章舜欲觀焉華蟲五色之蟲希讀爲絺或作黼王者

相變至周而以日月星辰畫於旌旗所謂三辰旂旗昭其明也而

冕服九章登龍於山登火於宗彝尊其神明也九章初一日龍次

二曰山次三曰華蟲次四曰火次五曰宗彝皆畫以爲繡次六曰

藻次七曰粉米次八曰黼次九曰黻皆希以爲繡則衮之六五章

裳四章凡九也鷩畫以雉謂華蟲也其衣三章裳四章凡七也畫虎蜼謂宗彝也其衣三章裳二章凡五也希刺粉米無畫也其衣一章裳二章凡三也元者衣無文裳刺黻而已是以謂元焉凡冕服皆元衣纁裳疏古人必爲日月星辰於衣者取其明也山取其人所仰龍取其能變化華蟲取其文理衣是陽畫亦輕浮故衣績也宗彝者據周之彝尊有虎彝蜼彝因於前代則虞時有虎彝蜼彝可知宗彝非蟲獸之號而言宗彝者以虎蜼畫於宗彝則因號虎蜼爲宗彝其實是虎蜼也虎蜼同在於彝故此亦并爲一章也虎取其嚴猛蜼取其有智爾雅註蜼似獼猴而大黃黑色尾長數尺尾末有岐鼻露向上兩則自懸